

საჯარო სამართლის იურიდიული პირი
ილიას სახელმწიფო უნივერსიტეტი
ბიზნესის, ტექნოლოგიისა და განათლების ფაკულტეტი



ბრძანება

ქ. თბილისი

N 1445-03

04/08/2021

**ილიას სახელმწიფო უნივერსიტეტის ბიზნესის, ტექნოლოგიისა და განათლების ფაკულტეტის
სამაგისტრო საფეხურზე 2021-2022 სასწავლო წლის შემოდგომის სემესტრისთვის სწავლის
გაგრძელების მსურველთა რეგისტრაციისთვის დამატებით წარმოსადგენი დოკუმენტაციის,
წარმოდგენის ფორმატის და საუნივერსიტეტო გამოცდების თარიღების დამტკიცების შესახებ**

უმაღლესი განათლების შესახებ საქართველოს კანონის 29-ე მუხლის მე-3 პუნქტის „ე“ ქვეპუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/5 ბრძანებით

დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების 26-ე მუხლის მე-3 მუხლის, „საჯარო სამართლის იურიდიული პირის ილიას სახელმწიფო უნივერსიტეტის“ რექტორის 2021 წლის 23 ივლისის N 1408-03 ბრძანების საფუძველზე

ვ ბ რ ძ ა ნ ე ბ

1. „ილიას სახელმწიფო უნივერსიტეტში 2021–2022 სასწავლო წლის შემოდგომის სემესტრისათვის სამაგისტრო პროგრამებზე მიღების გამოცხადების, სწავლის გაგრძელების მსურველთა რეგისტრაციის ვადების, საუნივერსიტეტო გამოცდების თარიღებისა და წარმოსადგენი დოკუმენტაციის შესახებ“ ილიას სახელმწიფო უნივერსიტეტის რექტორის 2021 წლის 23 ივლისის N 1408-03 ბრძანებით განსაზღვრული რეგისტრაციისთვის ბიზნესის, ტექნოლოგიისა და განათლების ფაკულტეტის სამაგისტრო პროგრამებზე ჩარიცხვის მსურველმა მაგისტრანტობის კანდიდატებმა რეგისტრაციის ბაზაში, გარდა იმ დოკუმენტებისა, რომელიც სავალდებულოა ყველა ფაკულტეტისა და პროგრამისთვის, უნდა ატვირთონ დანართში მითითებული დოკუმენტები შესაბამისი პროგრამის მოთხოვნების დაცვით;

2. „ილიას სახელმწიფო უნივერსიტეტში 2021–2022 სასწავლო წლის შემოდგომის სემესტრისათვის სამაგისტრო პროგრამებზე მიღების გამოცხადების, სწავლის გაგრძელების მსურველთა რეგისტრაციის

ვადების, საუნივერსიტეტო გამოცდების თარიღებისა და წარმოსადგენი დოკუმენტაციის შესახებ“ ილიას სახელმწიფო უნივერსიტეტის რექტორის 2021 წლის 23 ივლისის N 1408-03 ბრძანების თანახმად საგამოცდო და სააპელაციო პერიოდი განისაზღვროს 31 აგვისტოდან 15 სექტემბრის ჩათვლით;

3. ბიზნესის, ტექნოლოგიისა და განათლების ფაკულტეტის ქართულენოვანი პროგრამების - ბიზნესის

ადმინისტრირება (მენეჯმენტი, საბანკო და საფინანსო საქმე, ტურიზმის მენეჯმენტი) და ჯანდაცვის პოლიტიკა და მენეჯმენტის სამაგისტრო საფეხურზე რეგისტრაცია გავლილი მაგისტრანტობის კანდიდატებისთვის ინგლისური ენის საგამოცდო პერიოდად განისაზღვროს 2021 წლის 31 აგვისტო;

4. ამ ბრძანების მესამე პუნქტით განსაზღვრული ინგლისური ენის გამოცდის მინიმალურ ზღვრად განისაზღვროს B2 დონე;

5. აპლიკანტმა, რომელმაც განაცხადი შემოიტანა ქართულენოვან სამაგისტრო პროგრამებზე: ბიზნესის

ადმინისტრირება (მენეჯმენტი, საბანკო და საფინანსო საქმე, ტურიზმის მენეჯმენტი) და ჯანდაცვის პოლიტიკა და მენეჯმენტი სავალდებულოა ჩააბაროს ინგლისური ენის გამოცდა ან წარმოადგინოს ოფიციალური საერთაშორისო აღიარების მქონე ენის სერტიფიკატი (Common European Framework of Reference (CEFR)-ის B2 ან უფრო მაღალი დონე; ან ინგლისურენოვანი საბაკალავრო პროგრამის დასრულების დამადასტურებელი დიპლომი, სადაც მითითებული იქნება, რომ სწავლების ენა იყო ინგლისური.

6. ბიზნესის ტექნოლოგიისა და განათლების ფაკულტეტის სამაგისტრო პროგრამებზე - ბიზნესის ადმინისტრირება (მენეჯმენტი, საბანკო და საფინანსო საქმე, ტურიზმის მენეჯმენტი) და ჯანდაცვის პოლიტიკა და მენეჯმენტი მაგისტრანტობის კანდიდატი გამოეთიშება კონკურსს, იმ შემთხვევაში თუ ვერ გადალახავს ამ ბრძანების მე-4 პუნქტით განსაზღვრულ ინგლისური ენის გამოცდის მინიმალურ ზღვარს;

7. სამაგისტრო პროგრამაზე - „ბიზნესის ადმინისტრირება (მენეჯმენტი, საბანკო და საფინანსო საქმე, ტურიზმის მენეჯმენტი)“ მაგისტრანტობის კანდიდატებისთვის, შიდასაუნივერსიტეტო გამოცდის (ქეისის განხილვა და მისი გადაწყვეტა) პერიოდად განისაზღვროს 2021 წლის 2 სექტემბერი;

8. სამაგისტრო პროგრამაზე - „ჯანდაცვის პოლიტიკა და მენეჯმენტი“ მაგისტრანტობის კანდიდატებისთვის, შიდასაუნივერსიტეტო გამოცდის (ქეისის განხილვა და მისი გადაწყვეტა და გასაუბრება) პერიოდად განისაზღვროს 2021 წლის 3 სექტემბერი;

9. ბიზნესის, ტექნოლოგიისა და განათლების ფაკულტეტზე „ბიზნესის ადმინისტრირების“ (ინგლისურენოვანი) სამაგისტრო საფეხურზე რეგისტრაცია გავლილი მაგისტრანტობის კანდიდატებისთვის ინგლისური ენის საგამოცდო პერიოდად განისაზღვროს 2021 წლის 1, 2, 3 სექტემბერი.

10. ინგლისურენოვანი სამაგისტრო საფეხურის პროგრამაზე - „ბიზნესის ადმინისტრირება“ რეგისტრაცია გავლილი მაგისტრანტობის კანდიდატებისთვის შიდასაუნივერსიტეტო გამოცდის (ქეისის განხილვა და მისი გადაწყვეტა) პერიოდად განისაზღვროს 2021 წლის 4 სექტემბერი.

11. აპლიკანტმა, რომელმაც განაცხადი შემოიტანა ინგლისურენოვანი სამაგისტრო პროგრამაზე - „ბიზნესის ადმინისტრირება“ სავალდებულოა ჩააბაროს ინგლისური ენის გამოცდა ან წარმოადგინოს ოფიციალური საერთაშორისო აღიარების მქონე ენის სერტიფიკატი (Common European Framework of Reference (CEFR)-ის B2 ან უფრო მაღალი დონე ან ან ინგლისურენოვანი საბაკალავრო პროგრამის დასრულების დამადასტურებელი დიპლომი, სადაც მითითებული იქნება, რომ სწავლების ენა იყო ინგლისური;

12. ამ ბრძანების მე-9 პუნქტით განსაზღვრული ინგლისური ენის გამოცდის მინიმალურ ზღვრად განისაზღვროს B2 დონე.

13. ბიზნესის, ტექნოლოგიისა და განათლების ფაკულტეტის ინგლისურენოვანი სამაგისტრო პროგრამებზე - „ბიზნესის ადმინისტრირება“ მაგისტრანტობის კანდიდატი გამოეთიშება კონკურსს, იმ შემთხვევაში თუ ვერ გადალახავს ამ ბრძანების მე-12 პუნქტით განსაზღვრულ ინგლისური ენის გამოცდის მინიმალურ ზღვარს.

14. სამაგისტრო პროგრამაზე - „საზოგადოებრივი ურთიერთობები“ რეგისტრაცია გავლილი მაგისტრანტობის კანდიდატებისთვის გასაუბრების პერიოდად განისაზღვროს 2021 წლის 4 სექტემბერი.

15. სამაგისტრო პროგრამებზე - „თანამედროვე მათემატიკის ძირითადი პარადიგმები და გამოყენებები“, „თანამედროვე არქიტექტურა და მდგრადი განვითარება“, „ახალი მასალები ნანოელექტრონიკისა და ნანოინჟინერიისთვის“ და „ენერგეტიკისა და მინერალური რესურსების მართვა და მდგრადი განვითარება“ რეგისტრაცია გავლილი მაგისტრანტობის კანდიდატებისთვის შიდა საუნივერსიტეტო გამოცდის პერიოდად განისაზღვროს 2021 წლის 31 აგვისტო, 1, 2, 3 სექტემბერი.

16. ბიზნესის, ტექნოლოგიისა და განათლების ფაკულტეტის „პროგრამული ინჟინერია“ სამაგისტრო საფეხურზე რეგისტრაცია გავლილი მაგისტრანტობის კანდიდატებისთვის ინგლისური ენის საგამოცდო პერიოდად განისაზღვროს 2021 წლის 31 აგვისტო;

17. ამ ბრძანების მე-16 პუნქტით განსაზღვრული ინგლისური ენის გამოცდის მინიმალურ ზღვრად განისაზღვროს B2 დონე;

18. აპლიკანტმა, რომელმაც განაცხადი შემოიტანა სამაგისტრო პროგრამებზე: „პროგრამული ინჟინერია“ სავალდებულოა ჩააბაროს ინგლისური ენის გამოცდა ან წარმოადგინოს ოფიციალური საერთაშორისო აღიარების მქონე ენის სერტიფიკატი (Common European Framework of Reference (CEFR)-ის B2 ან უფრო მაღალი დონე; ან ინგლისურენოვანი საბაკალავრო პროგრამის დასრულების დამადასტურებელი დიპლომი, სადაც მითითებული იქნება, რომ სწავლების ენა იყო ინგლისური.

19. ბიზნესის ტექნოლოგიისა და განათლების ფაკულტეტის სამაგისტრო პროგრამებზე - „პროგრამული ინჟინერია“ მაგისტრანტობის კანდიდატი გამოეთიშება კონკურსს, იმ შემთხვევაში თუ ვერ გადალახავს ამ ბრძანების მე-17 პუნქტით განსაზღვრულ ინგლისური ენის გამოცდის მინიმალურ ზღვარს;

20. სამაგისტრო პროგრამაზე “სპეციალური განათლება“ რეგისტრაცია გავლილი მაგისტრანტობის კანდიდატებისთვის შიდა საუნივერსიტეტო გამოცდის პერიოდად განისაზღვროს 1, 2, 3, 6, 7 და 8 სექტემბერი.

21. სამაგისტრო პროგრამაზე „განათლების ადმინისტრირება“ რეგისტრაცია გავლილი მაგისტრანტობის კანდიდატებისთვის ინგლისური ენის საგამოცდო პერიოდად განისაზღვროს 2021 წლის 31 აგვისტო;

22. ამ ბრძანების მე-21 პუნქტით განსაზღვრული ინგლისური ენის გამოცდის მინიმალურ ზღვრად განისაზღვროს B1 დონე;

23. აპლიკანტმა, რომელმაც განაცხადი შემოიტანა სამაგისტრო პროგრამებზე: „განათლების ადმინისტრირება“ სავალდებულოა ჩააბაროს ინგლისური ენის გამოცდა ან წარმოადგინოს ოფიციალური საერთაშორისო აღიარების მქონე ენის სერტიფიკატი (Common European Framework of Reference (CEFR)-ის B1 ან უფრო მაღალი დონე; ან ინგლისურენოვანი საბაკალავრო პროგრამის დასრულების დამადასტურებელი დიპლომი, სადაც მითითებული იქნება, რომ სწავლების ენა იყო ინგლისური.

24. სამაგისტრო პროგრამაზე „განათლების ადმინისტრირება“ მაგისტრანტობის კანდიდატებისთვის, შიდასაუნივერსიტეტო (სპეციალობის) გამოცდის პერიოდად განისაზღვროს 2021 წლის 1, 2, 3, 6, 7 და 8 სექტემბერი.

25. ბიზნესის, ტექნოლოგიისა და განათლების ფაკულტეტის სამაგისტრო საფეხურზე კანდიდატთა მიღების, გამოცდების პროცესი განხორციელდება შესაძლებლობის ფარგლებში დისტანციურ რეჟიმში, ელექტრონული ფორმით ან კომუნიკაციის სხვა საშუალებების გამოყენებით. დეტალური ინფორმაცია ინგლისური ენის გამოცდის, შიდასაუნივერსიტეტო გამოცდების თარიღების, დროისა და პლატფორმის შესახებ უნივერსიტეტის ვებ-გვერდზე განთავსდეს არაუგვიანეს 30 აგვისტოსი.

26. შიდა საუნივერსიტეტო გამოცდების შედეგები უნივერსიტეტის ვებ-გვერდზე გამოქვეყნდეს არაუგვიანეს 2021 წლის 13 სექტემბრისა.

27. მაგისტრანტობის კანდიდატებმა საპრეტენზიო განაცხადები ბიზნესის, ტექნოლოგიისა და განათლების ფაკულტეტზე გადმოაგზავნონ შემდეგ ელ. მისამართზე bte@iliauni.edu.ge 2021 წლის 14 სექტემბერს 18:00 საათის ჩათვლით.

28. ზეპირი გამოცდების სააპელაციო განრიგი ვებ-გვერდზე განთავსდეს 2021 წლის 14 სექტემბერს.

29. განმეორებითი გამოცდის პერიოდად განისაზღვროს 2021 წლის 15 სექტემბერი.

30. მაგისტრანტობის კანდიდატთა რეიტინგული სიები აპელაციის შედეგების გათვალისწინებით (ჩასარიცხ კანდიდატთა ძირითადი და სათადარიგო სიები) უნივერსიტეტის ვებ-გვერდზე გამოქვეყნდეს 2021 წლის 16 სექტემბერს.

31. მაგისტრანტობის კანდიდატებთან, რომლებმაც წარმატებით გაიარეს საერთო სამაგისტრო და შიდა


საუნივერსიტეტო გამოცდები და მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, ხელშეკრულების გაფორმება განხორციელდეს შემდეგი გრაფიკით:

ა) ძირითადი სიის მიხედვით ჩასარიცხ კანდიდატებთან - 2021 წლის 17-20 სექტემბერი,

ბ) სათადარიგო სიის მიხედვით ჩასარიცხ კანდიდატებთან - 2021 წლის 21-22 სექტემბერი,

32. უნივერსიტეტის კანცელარიას დაევალოს, მიაწოდოს ამ ბრძანების ასლები ბიზნესის, ტექნოლოგიისა და განათლების ფაკულტეტს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს.

დომიტრი ჯაფარიძე



დეკანი

